

www.BibleForChildren.org

Mateus 8



Mokõi Jesus'ãa kiri ogwovo toryvi pe cidade de Caná pe – perope Galiléiapeve'ãa gwyri pe. A'ereki ãa Jesus'ga mondouka ãanembirekohava repiagauka. ãa Jesus'ga remimbo'ehara'ãa mondouka no.



Igwete Jesus'ãga hoi hepiaga toryva. Jesus'ga yembora pevo oko ãga pyri no. Toryva apopave'ymame momina ãga hugwi vinho.



A'ero Jesus'ga yembora ei Jesus'ga pe: —Momina kiro vinho ãa hugwi, ei ahe Jesus'ga pe. Igwete ahe ei ãa pe – kiroki ãa opoko toryva repiakatuhara'ga – ãa pe ahe ei: —Jira'yra'ga erame pe me penhiĩpo'ru ti ga, ei ahe ãa pe.



Igwete Jesus'ga ei hepiakatuhara'ga pokohara'ğa pe a'ero: —Peheka'voka'vo ti yhya ipype. Pemotynahē hete ti imohina, ei ga. A'ero ğa imotynahenahēhetei inoğa hyrua pype.



Igwete ga ei ãa pe: —Pejara ti kiro yhya herogwovo toryva repiakatuhara'ga pe, ei ga ãa pe. A'ero ãa herohoi yhya ga pe to'u ti ga hepiaga javo.



Yhya rūi reki ga i'urame. Vinho reki yhya mbotepyra ga i'ui hepiaga. Ndokwahavi ga yhya mbotea vinhoramo. Gapokohara'ḡa ki a'e te okwaha hete Jesus'ga remimbotea. Igwete ga i'ui hepiaga. A'ero ga hembirekove'ga mbuhurukari ojipyri javo ga pe. —Nde ko ore atyvi, ei ga hembirekove'ga pe.



Ore oromondo ypy vinho heheva'ea toryvarupive'ãa pe,
ei ga. Kirẽ ãa i'uheterame ore imondoi ndaheiva'ea ãa
pe. A'ereki i'uheterame ãa
nonhimombaragwahavi
ndaheiva'ea rehe. Nde ki
a'e te nerembuhuri ypy
heheheteva'ea kiroãwe
imbuhua ore ve,
ei ga ga pe.




Jesus'ga ombote yhya vinhoramo cidade
de Caná pe Galiléiapeve'ã ga gwyri pe
ikwehe. A'ea ypy ga oapo
ahemonhimomby'ava'ea
hepiuka ã ga pe
gweaporoãta Tupanamo.
Nurã garemimbo'ehara'ã ga
jikhetei
ga rehe.



Aerẽ Jesus'ga hoi Simão Pedro'ga ronga pe. Ovahemame ga Pedro'ga rembirekohẽa yhẽa repiagi. Onhino hẽa otetirvano. A'ereki o'a hete hẽa rehe.



A'ero ga pokogi hēapoa rehe. Hēa hugwi ipigi a'ero.
A'ero hēa vyri reki ogwovo herua mbatera ga pe to'u ga
javo.




Kwara hoa rupi cidadepeve'ãa jogwerupavi onga pe
Jesus'ga pyri. Gwerugweru ãa ga pyri anhaãa
rembipojykahara'ãa
Diabo'gapyriva'ea
rembipojykahara'ãa.
Itetirũave'ãa ãa
gwerugweru pa ãa
noãa Jesus'ga pyri no.



Igwete Jesus'ga imombigi ġatetirūa joparaparava ġa hugwi. He'yjuhuva'ea anhaġa ga imbojipe'ai ġa hugwi. Igwete ga nomonhi'iġukari anhaġa onhimombe'uukare'yma jupe. A'ereki a'ea okwaha ga Tupana'ga remimbuhurukara'ga jawo ga pe.



Opoko pota pa pevove'ḡa Jesus'ga rehe onhimongyavo.
A'ereki Tupana'ga omondo opopoakara Jesus'ga hugwi
imombipavuka Jesus'ga pe karugwara
ḡa hugwi.



Igwete ģa nomyive'ga reruri ga pyri novĩa. Quatro ko ģa ojopokopokoga ga rehe ga rerua.



Tegwete reki garerohohava Jesus'ga
ypyvo he'yjuhuve'ãga mbytera rupi.
Nurã ãga ga reruri ga rerojiupia
onga arimo iperehuva'ea
arimo ipe'ape'avo tujuga
apopyra Jesus'ga
rehei katu.



Ikwara rupi ãa ga mbojyvi
ga mbuhua Jesus'ga pyri
a'ero gakupeupava
reheve.




Hepiagame ãajikoga ojihe Jesus'ga ei nomyive'ga pe:
—Amombo ji nderekote'varuhua
nde hugwi. —Nde ve ji ei,
ei Jesus'ga nomyive'ga pe.
Epo'ã. Epyhy
ekupeupava
herogwovo enhonga
pe, ei Jesus'ga ga pe.



Jesus'ga avame yharuhua pype garemimbo'ehara'ãga
hoi ga pohe. Ña herohorame
yvyturanuhũa ruri ogyva ypiahua
rehe imohehanhuhũheteavo
typepemuhũa. A'ero
hehanhuhũ yhya ogwovo
yvate okwava yharuhua pyvõ
o'ava ipype. Jesus'ga
reki oki upa yharuhua
pype.



Oma'eamo ga ei ãa pe: —Maranameuhũ pe
pekyhyjiuhu? Ndapejikogi pe ji rehe naerũ? ei ga ãa pe.
Ovya ga nhi'iãgi yvyturanuhũa pe typepemuhũa pe no
topi ti javo. A'ero yvytua ipigi. Notymynha'javi
yhya no. A'ero ãa nhimomby'ai
reki javo. —Marã te ga rekoi
naerũ? Yvytua vehevi
re po ãwendu katu
ganhi'iãga ypiahua
pavẽi, ei ãa.



A'ereki Tupana'ga oarõ hete
yvyakotyve'ãga. A'ero ga gwa'yra'ga
mbuhuri yvyakotyve'ãga pyri ikwehe.
Gara'yra'ga ko ojipeji hete ko
ga rekoi ga pe.



Emo Tupana'ga ga mbuhuri nhande
pyri ga momanomouka nhande repyga
toho ti ģa yvagi pe nehẽ javo. Nurã
nhandejikogame Tupana'ga
ra'yra'ga rehe po ti nhande
rekoi Tupana'ga pyri
avuirama nehẽ.



Ndiahoi po ti nhande hahyva'ea
ruvihava pype a'ero nehẽ
nhanemanorame nehẽ.



Romanos 3:23 A'ereki ãga nhaporemo okote'varuhu. Ndohoi ãga Tupana'ga pyryhetea apiavo.

Romanos 6:23 Aherekote'varuhuagwera kwepykava ko hahyva'ea ruvihava pype. Emo Tupana'ga omombyry tehe nhande ve. Nhande mongo po ti ga ojipyri yvagi pe avuirama nehẽ. A'ereki nhande xajikoty'a Jesus Cristo'ga pavẽi nhandepojoykaharete'ga pavẽi.

Hebreus 9:27 Yvyakotyve'ãga ti tomano ojipeji. Omanorẽ po ti ãga tojipiuka Tupana'ga pe nehẽ. A'ero po ti ga ei ãgandeaporoãitapyryva pe ãgandeaporoãitate'varuhua pe nehẽ no.



Efésios 2:8,9 A'ereki opyryhetero ãwaramo Tupana'ga pendekote'varuhua mombo pa hete pe jikoheterame Cristo Jesus'ga rehe. Pe rõi pemombo pejikote'varuhua pejihugwi.

Tupana'ga reki omombo imombyrypota pe me ipotaro ãwaramo. Nurã ji ei: Omombyry tehe ga pe me. Aherekokatua kwepyga ãwaramo rõi Tupana'ga imombyryvi ahe ve. A'ereki ga e'i: "Te'iyme ti ãga: 'Ji pyryro ãwaramo Tupana'ga imombyryvi ji ve.' A'ea ti ãga te'iyme. Tonhimboheteyme ti ãga a'ero," ei Tupana'ga.

Romanos 10:9,10 Penhimombe'u ti jara'ãga pe Jesus'ga ko jipojykaharete'ga javo, oro'e ore pe me. Perovia hete ti pejipy'a pe Jesus'ga kwerava Tupana'ga ombogwera ga gamanoa hugwi javo. Heroviaheterame a'ea po ti Tupana'ga pe mondoukari ojipyri yvagi pe aerẽ nehẽ. A'ereki heroviaheterame nhandepy'a pe nhande xajiko Jesus'ga rehe. Nhande jikogame ga rehe ga ko jipojykaharete'ga javo, a'ero Tupana'ga ei nhande ve pepyry hete pe javo. A'ero po ti ga nhande mondoukari ojipyri nehẽ.



João 3:16,17 A'ereki Tupana'ga oarõ hete vvyakotyve'ãga.
A'ero ga gwa'yra'ga mbuhuri vvyakotyve'ãga pyri ikwehe.
Gara'yra'ga ko ojipeji hete ko ga rekoi ga pe. Emo
Tupana'ga ga mbuhuri nhande pyri ga momanomouka
nhande repyga toho ti ãga yvagi pe nehẽ javo. Nurã
nhandejikogame Tupana'ga ra'yra'ga rehe po ti nhande
rekoi Tupana'ga pyri avuirama nehẽ. Ndiahoi po ti nhande
hahyva'ea ruvihava pype a'ero nehẽ nhanemanorame
nehẽ. Gwa'yra'ga mbuhurame nhande koty Tupana'ga
nde'i ga pe: “Eho ti ãga pyri peko te'varuhu pe javo ãga pe.”
Tupana'ga nde'i a'ea gwa'yra'ga mbuhurukarame nhande
koty. A'ereki ga gwa'yra'ga mbuhuruka avo togweru po ti
ga ãga ji pyri nehẽ javo.



1 João 5:11-13 Tupana'ga e'i a'ero: “Pejikogame jira'yra'ga rehe ga pendeaporoõita mbopyahui,” ei ga. “Igwete po ti ga pe nderohoi ji pyri avuirama nehẽ,” ei Tupana'ga. Nhande jikoty'arame Tupana'ga ra'yra'ga pavẽi nhande reaporoõitapyahuro. A'ero nhande rekoi Tupana'ga pyri avuirama. Kiroki ãa ndojikoty'ari Tupana'ga ra'yra'ga pavẽi – ndipyahui ãandeaporoõita. A'ero ãa ndokoi Tupana'ga pyri. A'ea nhaporemõ ji akwatija pe me tapekwaha ti pejikoãgwama yvagi pe javoji. A'ereki pe pejiko Tupana'ga ra'yra'ga rehe.



Mateus 8-9; Marcos 1-2, 4; Lucas 4, 8; João 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Tenharim NT (pah) © 1996, Wycliffe Bible Translators, Inc.
All rights reserved.

<https://live.bible.is/bible/PAHTBL/MAT/1>

©2025 Bible for Children, Inc.

www.M1914.org

www.bibleforchildren.org

